

GOSPEL TANGKOU

(GOSPEL HERALD)

Issue No. 5

Volume: XXXIX

MAY: 2025



Watkin Robert Roberts

Pioneer Missionary to Southern Manipur
who entered Senvawn Village

Missionary Day, May 7th



HAPPY


MOTHER'S DAY

May 11th

KUM THUPI

“Na Gam Hing Tung Hen”

(Mathiu 6:10)



MI 3 IN DEGREE TUOMTUOM LA UH

EDITOR:

RT. REV. KHUP DO KHEN,
BISHOP

EDITORIAL BOARD:**Editor**

Rt. Rev. Khup Do Khen Bishop

Mobile: +919612388924

E-mail: khupdokhen@gmail.com

Join Editor:

Rev Suanboi Tungdim, Director of Ministries

Mob: +918837008618

Email: suanboi@gmail.com

Managing Editor:

Pastor Dr. M. Kamneithang Zou

Mobile No: +918974609177

E-mail: pastormthangboizou@gmail.com

Contributing Editor:

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Mr Jangkholen Mate
(Mission Promotor)
6. Nh. Nuamboi
(Women Promotor)
7. Divisional Superintendent teng

Design & Setting:

Upa Khuplajem Guite

Circulation Manager:

Pa Dongzakam

Mob: +919612198903

Upa Tutzamung

Mob: +918731830436

CONTENT

1. EDITORIAL	: 1
2. MISSIONARY DAY	: 2
3. MISSION LEH ANASEP DAN TUOMTUOM	: 7
4. MOTHER'S DAY	: 12
5. "NU" (MOTHER)	: 18
6. NUTE NI TANGTHU	: 20
7. HA CHIN A KUM THUPI HILCHETNA	: 28
8. ELWA COLUMN	: 29
9. MELC INNSUNG THU	: 30

Life Member : ₹ 3000/-**Patron Member** : ₹ 2000/-**Kum Khat lah man:**

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahmaan Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



SHINA

Lutheran World Federation leh akibahpi thugin zui zousie Lin, nisim 21st April 2025 Waster Monday ni a hing na beisan, kum 88 a upa Pope Francis shina tung a suunpina thupuon bawl in a um hi. Ama khu Argentina mi ahi a, Vatican City a atenna mun CASA SANTA MARTA mun ah Pneumonia natna in ashi tahi.

Ama khu Roman Catholichte Pope a apan laitah a shi ahi hi. Kum 12 Pope apan sung in, Thugin kibang Pasian hing be te khu kituohtah a Khristian hinkhuo jangkawm chiet ding in mite ahantawn zing hi. Ama peipi khu “*Fron conflict to communion*” chi ahi. Kisiat-kibalnate apatsa i Mangpa Jesu sisan inehkhawna un lemna leh muonna, eite lah ah ahing tut ngeingei ding ahi chi khu adamlai a atangkoupi leh ahinpi thukhat ahi hi chiin LWF General Secretary Rev Dr Anne Burghardt in agen hi.


Laisiengthou a kigelsa mihingte a ding a khatvei shi guotsa ana chi khu atang tunna ahi mai hi. Mihingte khu shi ngeingei ding ihi ua, ishi nua Chieng ua, ipeina ding uh mun ni (2) aum a, khumte khu “*mishi khuo ahilou leh Paradise ahi, hi teitei ding hi.*” Mihausapa leh khutdaw Lazar tangthu ana sim tha kia in (Luk 16: 19-31). Khumzou Chieng in vaihawmna imaitua ding uh ahi. I tuahdingte theizing kawm in, ileitung hinkhuo mandan ah pilvang chiet va ui. ■

“Ngaidamna khu phuba lah sangin ahoizaw. Ngaidamna khu mi nunnemte umdan ahi’a, phuba lah khu gitlouna ahi” - **Epictetus**.

MISSIONARY DAY:

SOUTHERN MANIPUR
MISSIONARY DAY

- Pastor Dr M. Thangboi Zou



Watkin Robert Roberts
Pioneer Missionary to Southern Manipur
who entered Senvawn Village

Thumapui: Kum 2025 a “Missionary Day” zang kia thei dia damna hing pia Mangpa Pasian in thupina, patawina leh Lalna zousie tang masa taken. Tualeh ahawmthaw huoi mama tam Gospel Tangkou simtu zousie Missionary Day chibai hing buh ing e.

I thupi ua ilut masang un “Mission, Missions leh Missionary” kichi a umzia enkhawm masa vai. Tuazou chieng in, “*I gam a Khantanhohi hinglutdan leh ang popa tanchin tomkim, leh May 7th i gam adia Missionary Day*” ahidante mawltah in kikum khawm vai chin, laibu bangza e khat kaikhawm in kang giel a,

mihing hina zal a gelkhiel leh avalseng aum leh simtute na ngaisiemna uh kang ngen masa hi.

1. Mission: “Mission” akichi chieng in “Hattuom ten Jesu Khrist gingta in Laisiengthou zong gingta ua, tualeh Khantanhohi thu genkhietna lam a i Mangpa Jesu Khrist bang a hing in, leitung a michin

“Min phuba a lah leh a melma toh kibang ahi. A ngaidam mi khu a melmate sanga tungnung zaw ahi” – **Bacon.**

in Khantanhoi anei theina dia nasep na khu Mission” akichi hi.

2. Missions: Tam ahileh, “mimal khat in Pasian nasepna a hattuomte deina toh kalsuon a gingloute kung a Khantanhoi gen ding leh pienthana thu theinailou/ zanailou mite kung a va genna khu Missions” akichi hi.

3. Missionary: Tam ahileh “Mission nasem mi, mi khat Pasian deina bang a kizang dia Sawl (sent) a kuon khe mite khu Missionary” akichi hi.

Tam Missionary umzia itheisiem na ding un “Missionary leh Evangelism thumal kizatdan” en khawm masa vai.

a) *Mission-One* (M1): Tam umzia ahileh, “Pasian nasepna leh Khantanhoi thupha genza dia ami asate lah a kuonkhie mite” genna’n akizang hi. Tualeh **Evangelism** (E-1) tami khu “Tawndan kibatpите kung a Pasian thugen dia kuonte” genna

ahi. **Gentenan:** Zou ten Zou te kung a Pasian thu gen.

b) *Mission-Two* (M-2): Tami khu, “Pasian khu haam kitheipite kung a Pasian thu vagen mite” genna in akizang hi. Evangelism (E-2) ahileh, “Tawndan kilamdang deute kung a Pasian thu vagen mite” genna ahi. **Gentenan:** Zou ten Meiteite kung a Pasian thu vagen.

c) *Mission-Three* (M-3): Tam umzia ahileh, “Leitung kawl ning li a Pasian thugen a kalsuon” gennan akizang hi. Evangelism (E-3) ahileh, “Tawndan kibang lou mite kung a Pasian thu va gente” gannan akizang hi. **Gentenan:** India miten Japan, USA leh Korea mite kung a Pasian thu vagen.

I GAM A KHANTANHOI ANG LUT DAN:

1. Pu Watkin R. Roberts tanchin tomkim: Pu

“Ka khawhul kai a ka khut a ka lamkhiet lou nei-le-gou ka nei sangin, gilkiel a shi ding ka telzaw hi” – **Marcom.**

Robert ahileh September 21st 1886 kum in North Welse gam a Carnarvon kichi mun ah apieng hi. Aman atup ahileh Hausat ding chi ahilai in, sum kawivei a abuoi laiin R.A. Torrey Sermon bu gel asimna akipat hing piengtha in gam miel veina lungtang ahing nei hi. Kum 22 (1908) ahi in Dr Peter Fraser te Nupa nua hing zui in North East India gam a Missionary din ang kuon khie hi. Gladly toh ang kiteng ua, Pasian apat goutan tapa khat Paul Robert leh Ruth ahin hi. Atapa Paul khu Doctor ahia Medical College Gospel ah professor nna asem a, tualeh Child Welfare Organization ah President zong ahia, Equadom a Honorary Counsel ahi hi. Tualeh Toronto People Church ah member zong ahi. A sanggamnu Ruth ahileh Rev Peter Gratton toh akiteng hi. Pu Robert in North East gam mite adin Kum 23 sung Pasian nna aseph lai in a Ha law se 3 sua se 2 tholawm in apie hi. Tuabang a theitawp

sua a Mang nna aseph lai in, tahsa damlouna zieh in ama tahsa kum 83 ahi in April 20th 1969 kum in Toronto mun ah ana muolliem tahi. Aman ashi masang deu in 1930 kum in NEIGM tawpsan in Independent Church aphut khie hi

2. Pasian nna asephdan: I tenna uh Southern Manipur, Churachandpur District sung a “*Missionary Day*” hing pienkhiet dan ahileh, apeisa kum 1904-1905 sungin Welse gam sung a Hagaulam a Halhana (revival) tun zieh chilei genkhiet din ka gingta sih hi. Tua Halhana (revival) in Pu Watkin R. Robert lungsim ah gammiet gam a Missionary nasep nuomna lungtang ang neisah a, tuachin Pu Wartin Robert in alung tup muolsuo na ding in Pu Dr Peter Fraser te nupa toh 1908 kum in “*Keswick Convention*” ah hing kimu tua uhi. Pu Dr Fraser te nupa ahileh, “*Welse Calvinistic Methodist Foreign Mission Society*” te chomna (sponsor) toh Aizawl (North East India)

“Mi lawsamte khu za lah sawmkuo leh kuote khu siemkitan nuom mite ahi uhi” - **George Washington Carver.**

a “*Medical Missionary*” sem dia guot a um ahi uhi. Pu Robert leh Dr Fraser te nupa ang kimu khawmna ua kipat in kithuokhawm in, Pu Robert in amaute gel nua hing zui in October 14th, 1908 kum in a tenna gam mite nusie in Tembaw a hing pei in North East India ang zuon a, tuachin December 19th 1908 in Aizawl (Mizoram) khopi ang tung tahi. Aizawl khopi ang tun un Dr Fraser te nupa in anasep uh (Medical Clinic) ang pan ngal ua, tuanah Pu Robert ahileh, “*Dispenser leh Private helper*” dan in ang pang hi. Pu Robert ahileh, Tangval feltah leh mitaima ahizieh in Mizo ten “*Sap Tangval*” chin ahan uhi.

Pu Robert in Dr Fraser te nupa nasep kithuopi kawmkawm in Pasian gam nasepna ang pan tahi. Tuachia awl awl a Pasian gam nasep ang pat laiin a kumkia 1909 in North Welse akipat Miss Emily Davis kichinu’n Pu Robert England Sum Teng 5 (pound 5) silpieh (gift) in ang thot hi. Pu Robert in tua Sum zang

in J.H. Lorrain’s leh F.W. Savidge ten Lusai haam a Khantanhoi Johan (Gospel John) ana lekhiet pen un Copies 100 leiin tua Bible khu ang hawmza pan tahi. Tua Khantanhoi Johan laibu hawm a aum lai in, Senvon kho mi khat damlou ki-ensah dia Aizawl a hing zin khat toh ang kimu kha ua, akihoulim lai un, tua damlou ki-ensah a hing kuon pan Pu Robert kung ah, “*Kou kung lam ah koiman Khantanhoi hing gen kha nailou*” chia agetlai in Pu Robert in zong a Bible hawm copy 1 pen a Hausapu (Kamkholun) adin aposah tahi.

Ha thum nua in Hausapu Kamkholun in Khantanhoi Johan laibu amu tah in Pu Robert adin lai agiel a, “*Pu aw, tam na laibu a umzia leh na Pasian thu nang mama in hing hilchien in*” Mizo haam a giel in Gawlawng sung a thunlut in Tangval mi-3 apedin asawl tahi. Pu Robert in tua laithon amutah in hing kipan khie in Manipur gam a Senvon khuo

“Mihing kisiemtian hat ten bangma hoina anei ngaisih uhi” -
Benjamin Franklin.

kichi phading lunggulna lienpi ang nei tahi. Tuabang a lunggulna lienpi aneilai in Aizawl a sangkai tangval mi-2 (i) Tv. Thangkai (Maite khomi) leh (ii) Tv. Lungpau (Buongtang khomi) amaugel toh Pu Robert, Savawma, Thangchgingpui, Vanjika ten Manipur ang zuon uhi. Lamkal a gamsa lah, tuilien leh jau theina tampi kawm kal ah Senvon khuo May 7th 1910 in ang tung uhi. Tami ni khu “Missionary Day” in akizang hi, nanleh Scholar khen khat in vang February 5 chia gen zong aum hi.

3. May 7th khu Missionary Day ahidan:

I tenna gam sung ua Khantanhoi ahing lut ni khu May 7th 1910 ahia, tami ni khu “Missionary Day” ahidan chiengtah a laigel leh phuonkhietna kinei ahidan:

- i) Pu Prime Suantah Vaiphei in alaibu gel “*Church Growth Among the Hill Tribes in Manipur, North East India*” ah “*Pu Watkin R. Roberts, Aizawl apat*

Senvon khuo ang tunni khu May 7th 1910 ahia, ama toh hing peikhawm (ang zaupite) ahileh, Savuma, Vanzika leh Taitea ahia, Senvon khuo khu Mission Center din abawl uhi” chin agiel hi.

- ii) Elder Lachhawznora in, “*Detailed Information*” kichi laibu agelna sung ah, “*Khantanhoi Senvon khuo a ahing tun ni khu May 7th 1910 ahi*” chin agiel hi.
- iii) Rev. H.L. Sela in “*Leadership North East India General Mission 1960*” ama Chairmanship na nuoi ah “*Kum teng a May 7th 1910 khu Missionary Day* chia zat ding, tualeh Hattuom chin in nit (observed) ding ahi” chin aphuong khie hi.

4. Pu Watkin R Robert nasep ga suote:

Pu Watkin Rober in i gam sung a Mang nna asephun sung in tam anuoi a bang in a Ga (fruits) mu thei ding aum hi, tuate ahileh:

“Mipil in midangte bawlkhielna a kipat in akizil zing uhi” - **Roy B. Chuck.**

- a) *Gingtha mi 5500 mu thei din aum hi.*
- b) *Missionary 250 a piengkhe hi.*
- c) *North East gamte a Pasian nna asep sung in a Ha law se 3 sua se 2 tholawm in athaw hi.*
- d) *Pu Watkin R. Robert zal in Southern Manipur ah leitung bei dong a mang kia nonlou ding “Khristian Sakhuo” kichi dinkhiet in aum tahi.*
- Missionary Day ni chia Bible sim thei dingte:**
- i) *“Tana ka um hi, Kei hing sawl in” (Isai 6: 8).*
- ii) *Nam te lah ah ahoiloute bawtkhe din Nang kang guot hi (Jer. 1: 10).*
- iii) *Gamla ding atam mama hi (Josh. 13: 1).*
- iv) *Peiunlen namchin ka nuazui ding siem un (Mt. 28: 19).*
- v) *Nam chin kung ah Khantanhoi phuongza un (Mk. 16: 15).*
- vi) *Kisia na leh ngaidamna thu nam chin kung ah phuongza un (Lk. 24: 47).*
- vii) *Nang khantanhoi na genlou leh koi in aza diei (Rom 10: 14).*
- viii) *Bu la ding atam nalai hi (Jn. 4: 35).* ■

MISSION LEH ANASEP DAN TUOMTUOM

Pastor Douchinlal, Local Pastor ELCB.

Mission: Tami thuteng ahileh Latin kammal apat hing kiladoh ahi; Eima kammal a akile doh chiengin “Sawl” ahisih leh ‘Sawl a um’ china ahi. Mikhat tup le ngim nei a, tuami sem muolsuo dinga sawl china ahia, tuami dinga kisawlnu/pa pen ‘Missionary’ chin kithei liuliau hi. Ei gingtuten tami nasep pen thanop man ahiei, neizou man ahiei, ahisih leh midangten asawl man a sawl hilou dingin, hagau mangthai ding puoh

“Na bawl khielna khu bawlkhiel kia nonlou di’n mangngil in, tunia na bawl ding chilou mangngil inlen, tuni khu vangphatna ni’n siem in” - **William Duran.**

natna zal leh iMangpa Jesu leitung a alenlai a asepa banga ei gingtuten alou thei lou a thupieh leh ngansie ihi nazal ua sep zawh ding ahi. (Mark 16:15, Matt. 28:19).

Gingtu kichi ngal a tami sepsuo utna lungsim pawloute pen gingtu hiing kichi theilou ahi. Hattuum ahisih leh gingtu mimal koipou in tami lungsim a nei ding pen Mangpa Jesu deipen ahi (Lk. 10:2).

Tami nasepna a sepdan tuomtuom, sep ding dan leh thei ding a kilawm tamlou iki kum khawm ding uhi.

Tu leh tu a ei MELC Pawlpi te sepdan tangpi: MELC in Missionary Field mun 2 (Manipur & Tripura) ah Missionary 6 kinei hi. Manipur sungah District 4 ah Mission nna kisem hi. Tualeh Manipur Field ah Pastor 2 um hi. Tualeh FMPB toh kithuo in 1. Hattuum mite thumna leh thahatna zal in buoina umlou in nasep hoitah in tunitan kisem jom tou nalai hi.

Missionary nasepna

a thei dinga poimaw khenkhatte:

- a) *Thumna: Tami apoimaw masa pen ahi*
- b) *Mulawhna kichian (clear vision) nei ding ahi.*
- c) *Sep le bawl ding theichet masah ding (Understand the task)*
- d) *I sep sawmna mun a umte thei masah ding (Understand the people).*
- e) *Amun leh amite toh kituoh a sep ding dan thei ding ahi. (relevant Method).*

Tam a tunga kipe teng missionary field tha ahisihleh mikhat munkhat pou pou a isawl ding chieng ua manghil lou ding ahi.

I. I tenna gam uh India a Missionary nasep apoimaw dan: India hi leitung pumpi a Hindu sahkhua jui tamna pen ahi.

“Na melma kei kichi nazaw masangsie’n hagaulam guolzawlina tang ngailou ding nahi” - **Richard Wurm brand.**

Missing 100 lah a 80 in Hindu sahkhuo zui nalai uhi. Amauten pasian tuom tuom crore33 nei mawh uhi. Tualeh Lakh 84 vei tahpi napieng zel zel ding chi gingta moh uhi. Tuate pen adamlai ua anasep hoileh hoilou dungjui a apien kia chieng ua bang toh bang a pieng ding chipen bangtan ahiei khat genthei mawh uhi. Tami khu 'Karma' (cause & effect) chi uhi. Tualeh sunglut a apien kia jel pen uh 'Samsara' (rebirth) achi kia leuleu uhi. 'Moksha' a chipen uh eiten Humdamna (Salvation) ichi utoh akibang sim hi.

Ei Khristian sahkhuo zuite pen gamdang a kuonlou a zong i umna chiet ua niteng a Missionary nasep thei zing ahi. Khenkhatten college ah, Office ah, dukan ah leh a dangdang a lawm leh guolte kung a i um dan hamdan leh hinkhuo zah in theisah zou pou lei(Mat.5:14). I vah-Light uh mi mitmu in vah zou sah poulei hun tamzaw

ah eiten ivah uh iphuol khah leng zieh ua kikhang thei lou ahi.

2. *Hindu te lah a Missionary nasep hasatna ziete:*

a) *Sahkhuo dan a hoitah a kiphut kip uh. Hindute pen sahkhuo dan a apu-apa khang ua pat a hoitah a kiphut kip ahi uhi. Amau ding in Mangpa Jesu hepina Tangthupha gintaat hasa mama hi. Azieh pen ama un kithoina leh shinua chienga pieng kia zel ding chi gingta ahiman un.*

b) *A sahkhuo uh kepbit utna lungtang nei uhi:*

Ei gingtute pen ama uh tondante sumang ding a vanzah ihi uh chi ngaidan nei uhi. Gingtu khat ahinah leh West lamte tondan a kiheng lamdang ding sa uhi.

c) *Western te Pasian pawlut in hing ngaituoh uhi.*

“Pichinna khu nasep zoh masang a tawpsan louna, mi genhat zieh hilou, ama thanopna nasep na, a dihlou a sum mawzat lou leh a dihsih chi thei nazieh a bawllou na hinkhuo khu ahi” - **Abigail Van Buren.**

Missionaryte pen Western lamte Pasion pawlut in ngaituo na nei uhi. Western lamte pen huotna liantah alung tang uah nei zing uhi. A ziehpen hun sawtpi tah anuoi ua genthei tah a ana khosa ahiman un, amau toh Pasain kitang ding chipen ngaiha sa mama uhi.

d) Mitung a leng/um kahi uh china lungtang nei uh:

Mi tunga leng/um kahi uh chi lungtang nei uhi. Hinduten Caste System, Be leh Phung a neuzaw, alienzaw chi kikhenna nei ua, ei Tribal te pen 'Untouchable' (sukkhah theilou Namte) nam ngiem hing chi uh, thetna lientah hing nei ua, tuazieh in eitoh Pasion kikop ding hasa sa mama uhi. Tualeh (Community Oriented) ahon hon a ngaidan

la ditdet chi leh namte ahizieh un khat tangin thuphuhna moh bawl zepzep lou uhi. Koima dawnglou a thuphuhna bawlpen innsung a nu le pa zatatlou leh nuoisie ajong ngaituo ahileng uhi.

1. **Hatzawh semna ding a bangchi bang a panlah ding:**

Sawltah Pawlin lampi tuom Mang nasepna a zah bang a eiten zong lampi tuom leh sep leh bawl dan zattuom zah ngai hi. (Acts.17: 2-4, 18:4).

Bangchidan in Tang thupha amaute(Hindute) thei thei dinga tang koupi ding:

a) Mission nasepna panla, kipunkhawm tuomtuom ten sepkhawm ding (Networking among the Mission Organisations). Tulai in Mission Organization atamta mama hi. Gam dang a hattah a panla khen khatte WEC, SIM, NIM, FMPB,IEM

“Pichinna khu lungsim khautah a kipat nemtah a um theina khu ahi” - **Chuck Swindoll.**

leh hattuum tampiten mun tuomtuon ah semchiet uhi. Hitobang Organization tuom-tuomte leh denomination tuom tuomte kihou khawm a panla khawm poimaw mama hi.

b) Khosusnga alamkaite utoh kitheisawm ding ahi. Hindute pen in alamkaite uh zatatna liantah amau uh society sung ah nei uhi. Amau lamkaiten thupuhna abawlpen uh ahimai hi. Tuazieh in amasapen a alamkaite utoh nekhkawm-dawnkhawm theina ding lampi bang hoi a kitheituo poimaw mama hi.

c) Ama uh banga um sawm ding ahi. Amau tondante thei a zui poimaw mama hi. Tami izaw louleh ama un gingtatna malmal eitung ah nei lou ding uhi. Tami ichi zieh a gindan toh kituoh lou tan a zuiding china pen

hituum lou ahi. Tami igenchieng Sawltah Paul ma etton chingpen hi. (I Kor. 9:20-23; Phil. 4:13).

d) Amau toh kituoh a tangthupha genpieh ding ahi. Eima ngaidan leh theidan mai a genlou a, amau ngaithei ding lama pilvang tah a gendan kisin ding ahi⁹. Am, un khelna, thawkiana chite ngaidan neikha mal mal lou ahi uhi. E.g. amau tondan toh kituoh a Pasian biehdan bang bawl a lunglut theina dingdan ua um ngai ahi.

e) Mipi nasem (Social Worker) banga um poimaw hi. Community Development Wor-ker (CDW) dan a vakuon a agam mite toh kinel a tuazou chienga itup leh ingim pen sepsuo poimaw hi. Missionary kichi min pen ama un kipahpi hetlou uh ahi man in kei Missionary

“Silpha khu leithei hileh i sum nei zousie bei siengin na lei ding hi. Hinanleh, hepina khu a manbei na kengnuoi a hing kikoi leh aman umlou ahi ziehin na muda hi” - **Gregory of Nazianzus.**

*kahi vachi khel khel zong
poimaw sese lou hi.*

Thukhupsitna: Tam Mission nasepna pen eiten halaw pieh a kisawl dohte a ding bou in ingaituo khaleng uhi. Tampen gingtute zousie a dinga ngansie leh thupieh ahi. Tami nasepna pen iMangpa Pasion lungtang ana hi tawntung hi. Tuamabang

in gingtute zousie leh hattuom mipiten leitung a idamsung ua ihinsan pen uleh ibawl ding lah ua amasapen leh a thupipen a ingaituo dingui. Senta luo kisa lou a, tu apat a hat zaw sem a bangchi sep ding chi ngaituona toh hapan semsem va ui. Mangpan na unpi un hing guolzawla hen. ■

MOTHER'S DAY:

NUMEI MANPHA

RUTH BELL GRAHAM TANCHIN

- Pastor Pi Chingneu BA/ M. Div

Thumapui: Mother's Day ahitoh kitua in, tunin Ruth Bell Graham tanchin tomkim laibu tuomtuom pansan leh Internet tungtawn a kaikhawm in mawltah in sutkhawm lei ka nuom hi, ama tanchin tungtawn in ei NU ten zong zilkhiet ding tampi imu ding uh lam etna toh kang gel ahia, abuchinglou leh sutval aum leh Pasion leh simtu zousie kungah na hing theisiem ding uh kang ngen hi. Kum Zabi 20na sung a Pasion mizat minthang Evangelist Dr Bill Graham nasepna lawchinna thugu leh panpitu poimaw pen a Zi (Ruth Bell Graham) ahi chilei genkhiel votlou ding ihi uhi.

1. A HUN MASA: June 10th 1920, in China gam
Ruth Bell Graham ahi leh Qingjiang, Jiangsu mun a

“Hattuom khat hi a, Missionary nasep angaisah lou leh, tua hattuom khu ashi ahi” - Rev. **Dr. J.M. Paupu.**

pieng ahi. Apa ahi leh Dr L. Nelson Bell ahia, anu min Virginia Mayers ahi. A pienna nu-le-pa ahi leh China gam a Missionary nasem a um ahi uhi. Ruth Bell in North Korea a khopi minthang Pyongyang mun ah siemzilna (education) ana pan hi. Laisiem tah ahia, tualeh Montreal, North Carolina mun apat Graduate ahi. Aman a hinkhuo a tup ahi leh, “*Tibet gam a missionary nasem a kuon ding*” chi ahi hi.

2. A PASAL NEIDAN:

Kum 1938 in siemzilna a sangzaw ding deina zieh nan Wheaton College ah laisiem din akuon hi. Kum 1940 in Wheaton College ah “*Anthropology*” azil laiin Billy Graham toh ang kimel thei uhi. Akitheidan uh ahileh, College lapawl azilna ua “*Halleluiah Chorus*” azilkhawm na uapat ahi hi. Ruth ahileh Missionary tanu khat ahiban ah, laisiem, melhoi leh mifeltah ahiman

in a college uah mite thei tampen lawi in ahing pang hi. Billy Graham ahi leh 6.2 feet a sang ahia, tangval melhoi ahiban ah Pastor Ordained ahi. Ruth Bell lungsim in Billy Graham aluodim sieng tahi. Tuachin Ruth Pasian kung ah, “*Mangpa, Billy Graham toh na Leenggam nna kasemkhawm dia nang phal leh ka hinkhuo a ka deepen ahi*” chi’n athum hi. Pasian lemsahna bangin August 13th 1943 in ang kiteng ta uhi.

3. A MIZIA TE:

i) Numei, *Kingaingingiem ahi*: Ang kitennua un ngaidan/ tup kibatlou na zieh in sot sim abuo i ahi. Ruth ngaidan (atup) ahileh, “*Tiber gam a missionary nasem a kuon ding*” chi ahia, Billy Graham ahi leh, “*America gam a Evangelisg dia hatna tang in akithei hi.*” Tuabang a lungtup kibanglou a um lai un, Ruth Bell in, Bible

“Pasian in biehin hoi pipi lamdi’n ang sawl (ngen) sih a, leitung ah pei unlen Khantanhoi tangkoupi un chin ang sawl zaw hi” - **Oswald J. Smith.**

akigen, “Numei luting khu a pasal ahi” chi ahing thei khie a, ama deina a peisawm nonlou in, a pasal kung ah, nang chi dandan in peimai vai, na nua kang zui ding hi, chin thutanna ang bawl hi.

Ni khat, a pasal Billy Graham Ohio mun a Crusade bawl dia chiel aum, akuonni in, ama Hospital ah nau nei dia alut hun akitua hi. Ama Hospital ah alut a, a pasal Ohio mun a Crusade bawl din akuon hi. Telegraph tungtawn in tanchin akiza tua zel uhi. Ruth in tam bang in a ngaitua hi, “Ka pasal in anasepna sang a angi poimaw zaw sildang bangma neilou ahi” achi hi. A pasal tung ah haseitna ding leh lungkim louna bangma ka nei sih hi, chin lungnuom tah in hinkhuo azang hi.

ii) Numei, lamdih hiltu: Kum 1943 in Western

Spring Baptist Hattuum in a pasal “Pastor nasem dia” achiel lai un, aman a pasal kung ah, “Pastor nna nasep leh Evangelist nna nasem thei sih ding hi” chin apha! sih hi. US mipiten, a pasal “US President dia achiel lai un”, Billy Graham in, tami khu, “Pasian hatna adiei maw” chia lunggel anei laitah in, azi Ruth in, “Pasian in Evangelist thupitah hidin ang han (call) a, nang gam khat President maimai dia kipe nuom moh?” chin apha! sih hi. Azi tungtawn in Billy Graham in “Pasian hatna (calling) akithei Chieng mama hi” akichi hi.

iii) Numei, innsung ngaisah: Billy Graham in, “Youth for Christ” ah Full time Evangelist in asem a, US leh Europe gam tuomtuom ah azin koikoi a, a innsung mite toh hun zang tom mama hi.

“Leitung a sil poimaw pen khu lei (tongue) ahi a, leitung a sil suhsia hatpen zong lei ma ahi” – **Aesop**.

Kum 1945 in Virginia ah a ta (child) masa pien in akipah mama a nanleh amel mulou in ama gamdang ah Pasian nasem in aum hi. Ruth in a pasal in Pasian nna asepthei laisie a septhaina din phunlou keiin hamsatna tampi tua in inn ah ana pang zel hi. A pasal azui thei hun Chieng in Counsellor in apang zel hi. Billy Graham in azi kung ah, *“Pasian thugen minthang Billy Sunday in anasepna mun zousie ah azi toh akizui gige a aumlai un, a tate gawtmun lam a pei mai uh ahidan”* ahil hi. Ruth in a pasal thugen manghil lou in, theitawp sua in a tate a enkawl a, tualah a pasal zalentah in Pasian nasem in aum sah hi. A pasal Pasian mizat ahi zieh in, *“zin-le-leng (mikhuol) bang ahau thei mama ua, nanleh phunlou keiin a pasal inn*

umsih nanlezong hoitan ana vaidawn in, ana buoipi hi.”

iv) Numei, *panpitu hoi:* America mite’n apasal Billy Graham a ngaisang ua ang minthang deudeu zieh in US President ten hagaulam a puitu (spiritual advisor) din amuong ngam ua, aman zong theitawp suo in apang hi. Tuabang a aup lai in, azi Ruth in a pasal kung ah, *“Polotic leh Khristianna kopkhawm a alunglut khaseng ding azausah mama hi”*. US President dia Billy Graham chiel a aup laiin, azi Ruth in akung ah, *“Pasian nasem na tawpsan leh ken zong kang peisan ding hi, US mipite’n pathoi President din deilou uhi”* achi hiel hi. Eimite hi leh, bang chin i um ding uai moh? Ngaitua tham ching kasa mama hi. Ruth in a pasal Billy Graham Pasian mizat thupitah hidin apui zou mama hi. A pasal nasepna

“Pasian in lei khat leh bil (ear) ni ang pienna zieh khu, thugen tom ding, ngaikhiet tam ding in ang dei ahi” – **Epictetus**.

ah akithuopi hun chieng in, “hamsatna thuoh, Thong tangte, Tualthatte kung ah Jesu Khrist itna thu gen in theitawp suo in apang hi.”

- v) Numei, patawi ta: Billy Graham Evangelistic Association (BGEA) in Media tungtawn a nasepna apat tunglai in, “Radio program” ah “Hour of Dedication” chi min phuo in a tangkoutu in Ruth apng hi. 1996 kum in, “Ruth and Billy Graham Childrens Health Care” kichi North Carolina mun ah a pankhie ua, Ruth inntena toh a lawching mama hi. Billy Graham nasepna lawching mama ahilai in ama nua a ding gige a Zi Ruth ahidan theipina in 1996 kum in US Capitol Rotunda, Washington DC mun ah Ruth Bell Graham kung ah, “Congressional Gold Medal” pieh in aum hi.

vi) Numei, a pasal lungtang kipahna: Billy Graham in a zi Ruth Bell Graham thupi asah dan agen thute ahileh:

vii) Ruth Bell Graham khu ka lungtang tawng thupen in ka it a, ama ka lawm hoipen (my best friend) ahi, achi hiel hi.

viii) Ruth Bell Graham toh kum 65 peisa in Wheaton College ah ka kithei tunglai sang un ka ngaisang deudeu hi.

ix) Ka sepna a lawchin nadia adap a pan latu leh alaizang tah a ding gige ka zi Ruth Bell Graham ahi, ang hanthawinna leh panpina panglou hileh ka sepna ah lawchinna tamza in ka musih ding hi, achi hi.

Billy Graham seppi **T.W. Wilson** in zong, “Ruth Bell Graham umlou hileh Billy Graham thupina tunia ithei bang un akitheh vot sih ding hi” achi hiel hi.

“Vangam nop dingdan na thei nuom leh ka innsung uh hing en lechin na thei mai ding hi” - **Dr Billy Graham.**

4. A HUN NUKHIE LAM:

kum tampi a pasal toh Pasian nna asemkhawm a, atute leh a tate'n zong anasepna akithuopi zing lai un, Ruth Bell Graham a tahsa kum 87 ahin kum June 14th 2007 in “*Pneumonia*” natna zieh in a it mama a pasal leh a tate mi-5 nusie in Little Piney Cove, Montreat, North Carolina mun ah ana muolliem a, June 17th 2007 “*Billy Graham Library huong sung ah vui in aum hi*”.

RUTH BELL GRAHAM APAT ZILKHIET DIA HOI KASAHE:

- i) Pasian in a pasal Evangelist dia ahatna theipi in, sildang a sem din aphal lou bang in, ei nuten zong i pasal te Pasian in ahatna theipi in theitawp suo in tosawn lei Pasian in thupitah in zang mai ding hi.
- ii) America President a apasal apan sang in, Evangelist hi a Pasian nasem dia adeisah zaw bang in, i pasal in

leitung vai a hausatna mudia (dihlou tah a sum suina ang nei sawm chia) pan ahingla sawm chieng in, Pasian min a gentheina thuohpingam dia/ sil hoilou a hausat sang a, gentheina thuoh ngam zaw dia pang chiet lei, Setan in i innsung suhse joulou ding hi.

- iii) A pasal zalen tah a Pasian nna aseph sah bang in, eiten zong i pasalte lungkim tah a Pasian nna aseph theina din eima innsung chiet ah pang chiet vai in, tualeh i pasal tosawntu in pang thei chietlei, bangdia i pasalte uh Pasian nasepna hatlou ding e, ka chi ngam hi.

- iv) A pasal thupina, minthanna kiletsahpi lou in, atosawntu a apang bang in, eite zong i pasal nasepna ah ipan theina chiet uah pan lasawm chiet vai, ipasal hina zieh in eite kiletsahna ding um votlou ding ahi. ■

“Leitung a Vangam naipen khu innsung nuom ahi a, tualeh innsung nuom khu PATE adin LEENGAM ahia, NUTE adin LOUPINA ahia, tualeh TATE adin PARADISE ahi” - **Dr Dehan.**

“NU” (Mother)

- Nh. Nuamboi (Woman Promotor, MELC)

N: Nunnem U: Umdanhoi M: Maitai E: Etlawm I: Itsiem

Tuisih ka hihlai apat a sisan toh hing na vah tu, hasat na beidon na sim senglou leh hehpihna mit tui luang zoizhzoih pum a hing na enkoltu. Kei a ding na gel nazal a, na duhbang zong ne ngamlou, na utna a zong hohngam lou, na dei bang a zong kichei ngamlou, na utteng zong gen ngamlou, na ut teng zong bawl ngamlou, kei zia in mite'n hing gensia nan leh sialpi gua thuo a na thua ngengngong, Nu nunnem aw.

Ka hing pienkhiet pat in na natna sang a kei kaa ding na zau zaw a, a lum a vawt chilou in ka damna ding ahi phot leh chi'n na anglum ah nang phuol a, ka zun ka eh kihdah lou in a hun leh hunlou in nang silsieng a, zan chia ka zun thah Chiang in nang ka zun kot tunga n alum a, kei a gaw lam ah nang lumsah a, na nih lum toh nang tuom a, kadam lou Chiang in ka nop sah ding dan ngaituo in zankhovah in nang pom a, nang natna na manghil in kei mittui luan ding na venna lam ah nang mittui na phual hi. Nei zoulou sasa in damdoi mantam pipi in nang leisah

a, nang damdoi ding lei ngamlou in nang nalu puan in na gah a, na tai tuilum toh na dep a, gil hawm vevaw in na maitai teitei hi. Itna hau Nu aw.

School kai thei ka hing hi in sum neilou sasa in hasat zia a innsung a buaina tungzen in ka siamzil na ding nang gelkhoh sah a, ngaplou sasa in sum hawl in nisa nuai leh guahzu nuai ah, kei siamna ding ngaisut na in nna neu mi bawl utlou teng bawl in zum leh mualphou khosah lou in na tai a, ka khanguol khat ka phah nading in na hatna teng teng seng in nang chom a kadam thei nading leh ka

“Hattuom in bawldan hoi a sui a, nanleh Pasian in mihoi asuizaw hi” - **George B. Eager.**

siamthei na dingin Pasian kung ah kei ding in mittui luang in ann ngawl in khup pon zen in nang thumsah zing hi. Mimai a umdan khandan ka siam theina dingin, maitai tah in namai sua ka mai ah na langsah gige hi. Tunnu maitai aw.

Ka lei hinkhua a ding guoh hilou in, ka hagau tangtawn damna ding tan nang khual pieh hi, lungsiat siam Nu aw. Ka dam kumkhua hing peitou zel ding ah, zi leh pasal nei nading tanpha leh ta-leh-nau nei ding tanpha in kei ding a lungmuang hamuang a ka um theina ding nang sunlung zanlung in nang gel pieh a, Christian innkuan bawl thei ding tanpha in thu nang mop hi. Tun nunnem aw.

Huopzou Nu, innsung guah hilou in, hattuom sung ah zong Nu muanhuoi na hina kilang in lamkai mite etton leh thudot pen in na pang a, na vai hawmna adih in a zatat huai hi. Nang hing nungthuap te'n zong nang toh nna sepkhawm nuam asa uhi. Pasian a khatna a

koi zing Nu na nah na khu mite'n zong a zabawl in a muang ua, ahasat genthei nate uh gendoh ngam nan anei ua, mite'n tahsa hagau ah damna nga uhi. Nu etton tham chingpen, a siangthou na leh zatat na toh mite'n hing entou uhi. Na kamsua ahum a, pil na toh na kam nakah a nalei ah hepina dan aum hi. Tha nuam tah in nna nasem a, mite thoh mama in zing na thou a, na innsung, na hattuom leh na khua na veng te ading in thu na ngetsah a, Pasian thupi na napia hi. Na khut nnasep apat in panpi ngai taga genthei te lam ah na khut nazah a, kipah tah in na sepgim gaa na hawm hi. Mite'n hampaha Nu ang chi ua, na innpi na innpu leh nang sang a lienzaw te zatat dan na siam a, amau te apat gualzawl na naki tan hi.

Khua/veng sung ah Nu poimaw tah na hia, nang na panlou na khu thawmhau ahuai hi. Sa leh gal ma ah zong lamkai in napang a, natai nagah a, na thah a khausah a, khua/vengsung

“Mihingten kum 100 dai dingin inn i lam ua, Jesu Khrist gingta gingtuten vang tangtawn dai ding inn i lam hi”- **Cisero**.

bitna dingin pan na la hi. Tha leh zung mai hilou in sum leh pai nei leh lam ah zong Nu muanhuoi na hi.

Nu aw nang halim nuai ah, nату nata te'n nuamsa in ka bit uhi. Pahtawi tham ching Nu iitna hau, Nu mantam na hi. Khovel mihing tengteng lah a Nu manpha pen nahi.

Tun vang ka theisiam ta bang ding a, ka ut na teng, ka duh teng, ka bawl ut teng, ka bawlsawm Chiang a nang na phallou ahiei chi ka theisiam ta hi, a ziehpen kei ding a ahoizaw ding nang nakhual ziah ahi. Kang na lungthah san nate, kang na nuahsan nate leh na zatdah ding ka

na genkhah te hing ngaidam teitei in aw Nu.

Innsung a dinga damdoi hoipen, vah thupi pen leh Jesu Christ kengbul hing tuntu na hi man in zatat na sangpen tuni Nute ni in kang pia hi, kei zong theitawp sua in kei ding a hasa genthei na thua nate thei zing in Pasian min suangin theitop sua in pan hing lavang in, nang banga Nunnem, umdanhoi, maitai, etton tah leh itna hau leh siam a, mite etton dingin, Jesu Christ hindan enton kom in hing pang vang.

Simtute teng Pasian in a theisiam chiet ding in hing guolzawl ta hen. ■

NUTE NI TANGTHU

(History of Mother's Day)

- Sanhoi Pa

Thumapui: Amasan Nute Ni (Mother's Day) chibai simtu zousie ka hing pieh hi. Tualeh tuni chieng dong hing dampi nalai na Tunnu (ka Nu) zahna sang pen ka pieh hi. Nute Ni toh kisai, ngaidan tampi aum ua, tuate aban ban in anuoi ah i enkhawm ding uhi. Tualeh "*Nute Ni thubul sutna, Gam tuomtuom in Nute Ni azatdan uleh Nu Manphatdan*" toh kisai kikum khawm vai chin ka hing kisah hi.

"Pasian pangloui in Ni nuoi a sil um zousie bang malou"- **Kumpi Solomon.**

Nu thumal Thubul sutna:

Hebrai haam in “*Amah*”, agetnuom pen khu “*gakhawm/ huoikhawm*” china ahi. Tualeh **Grik** haam in “*Mana*”, agetnuom pen khu “*I pienna Nu*” china ahi. Tam teng akipan **English** in “*Mother*” akichi a, ei Zou haam in “*Nu*” akichi hi.

NUPI chi thumal hilchetna:

N: “*Nu hita*”, **U:** “*Utdan dan a um thei nawnlou ding*”, **P:** “*Pasian leh apasal zatat ding*”, **I:** “*Itna toh vaihawm ding*”, chi ahi hi.

Ngaidan khatna: Kum 1879 in US gam a um Julia Ward Howe kichinu “Nute ni” zatding ahidan anei tahi chi ngaidan masapen ahi. Amanun a gen dan in “Nute ni khu 2nd June a zat ahing dinga, tam khu lemna dia zatding ahi”, achi hi. Tua mi na ding in toukhomna (meeting) masapen ding in Boston ah ana han hi, tuajou in Mary Towels Kentuky kichinun “Nute Ni” zat ding ahi dan 1887 in ang phuongkhia hi, tualeh South

Bend a um Frank E. Hering in zong zatding ahidan 1904 in ana tangkoup (Campain) hi, akichi hi.

Ngaidan nina: Grik gamsung a Cronu zi “*Rheo a pasiennu uh*” (Mother of Goddess) jahna (Honour) piana’n azang uhi. Tami pansan “Nute Ni” hing pieng khia ahi, chipawl aum uhi. Tualeh Rome gam ah “Nute Ni” lopna a chiemte tham khu Cybele (pasiennu) uh biehn (Worship) ni’n a zang uhi. Cybele ahileh pasiennu uh ahi hi. Rome mitten a sakhuo (Religion) ua tambang ni poimaw anazat u “Nute Ni” lopna paw khu “Hilaria” ana chi ua, nithum sung (3 days i.e 15th to 18th May) amang jel uhi. Mi khenkhat ten Cybele zahtatna (Honour) apeina ua pan Hattuum masaten a na jui, lason in, I Mangpa Jesu Khrist pianna Nu “Mary” zahtatna’n (Honour) ana zang uhi, chia ngaisut zong aum hi.

Ngaidan thumna (*Mitam Zawhte ngaidan ahi*): Mi

“Pasian in a zatte a muon huoi semsem leh a thuohna a gih sah semsem a, Gentheina neunou thuhte neunou nou in a toisang a, gentheina lienpi thuhte lienpi tahn a toisang hi”- **J.D. Pentecost.**

tamzohte ngaidan ahileh, America gam a um sangsye Nu Anna Jirvis hing patkhiat ahi akichi hi. Anna Jirvis kichi nu ahileh Anu Anna Reeves Jirvis kichinu tanu ahi (apamin kitheilou, laibu akigellou). Anna Jirvis ahileh apeisa kum 1864 in ana pieng a, aman nunei khat Elsinore Mittaw (Blind) anei hi. Amau gel uta pen a nu leh pa adia goutan neisun ahigel uhi. Apan ama leh a sanggamnu dei bang in a enkol sih a, a nu bou in homthaw tah in a enkol hi. Hamsatna leh gentheinate Anna Jirvis a pumtuam a, nanleh amanun laisim na lam a thupi bawl paupau hi. Anu leh a nau nusia in laisim ding in a potsanta hi, kilawh pum in lai a hingsim a, tom khat jou in “Public School Teacher Certificate” ahingmu tahi, tuachin a pienna kholam ahing zuan kiata hi. Anna Jirvis zong nungah ahing hita a, laisim in ahingtun in, apiennanu damlou shiding in ana um ta a, Anu Anna kungah

kashi mateng Pasal neilou a nungah piching (Spinstill) hidin kichiamna (Vowed) aneisa tahi. Aziehpen anaunu mittoh (Blind) ahi zieh ahi. Anaunu etkol angai ziehin tambang anun anaunu nusie taleh a enkol ding umlou ahi chi atheiman a kichiemna abolsa ahibou hi.

Hun leh nite hingpei toujel in Anna Jirvis zong kum 38 ahing chingtaw in, a pienna pan ahing shi santa hi. Apa hing shi tah chieng in amau u nuta 3 ut leh utlou um lou in a tenna khuo u nuasia ngai in ahingum tahi, khopi sung a ahing teng ta ua, hamsatna, gentheina tampi ahingtuo laiun, a hamsatna leh a gentheina kibelap nadin apienna nun ahing beisan kiata hi, Ama leh anaunu bou ahinggiep ta uhi (Anu sih ni ahi leh 9th Mar, 1905 ahi). Kum 1934 in US President Franklin D. Roosevelt in tami ni theizing nading in Postal Stramp kibawl khu approve anabawl hi. Tuomi nia pan gamsung pumpin Nute Ni khu 2nd May Sunday

“Huotna kichi acid bangbang ahi. A hatdan khu a koina thawl sesah thei in, akibuotkhana zousie kuongsah thei”- **Ann Landers**.

nia nit/ zat in ahing umtah hi.

Tam bang hamsatna ichidiei gentheina hesuahna ahing thua laiin ni khat amatang in ahing kingaisut sut leh, aw a Nu it na lian in manpha hina maizen e, chi ahinggel doh tahi, tuachin a Nu shi jou kum 2na (2nd death anniversaries) zatding lunggel ahing nei a, a loi-le-guolte chielin a in a it mama anu Anna Reeves Jirvis shini akum 2 ahing zangkhawm ua, tua hun a zatna ua, anu itna a thupidan leh manpha asa dan thute genin aloi hingpei khomte kung a 2nd Sunday, May nipen “NUTE NI” chi’n kizang leh hoi a sah dan thute ahing kum tahi. Tuami kum ahileh 9th May 1907 ahi, tam bang lunggel a nei pen a loi leh guolte lungsung a sukha ih, a loiten zong Ms Anna kung a tam bang in don na ahing pieh uhi “*Na lungtup muolsuo na ding campaing na hing pat ngei ngei leh, aki thuopi dia mansa a um ahi dan uh*” agen khia uhi. Khuchin

Ms Anna inzong campaing ahing pat tachiengin, aza pho tapou hoisalou aum ta sih hi. Mitten hoisa ahidan ahingthei tachiengin Ms Anna zong aloi itpen John Wamanaker kung avapei in, John “Nute Ni” mang ding chi lunggel kanei a, sum leh pai ahing kithuapih’n chin avangen hi, aziehpén John khu Sum sinmi (Business man) ahi hi.

Tua kum mama in, anu damlai a kum 20 tobang Pasian ana biehpina Methodist hattuom a Nipi Sang enkoltu Superintendent kungah, a it mama a nu thei zingna dingin “NUTE NI” zangvai chin a va genta hi, tuachin superintendent pan zong Ms Anna ngetna ana pom in a biehinna uah amasapen ding in 2nd Sunday of May (i.e 10th May 1908) ni’n naupang mi 400 toh nu leh pa tampi pan nato ahing zangpan ta uhi. Tam vaiguon a Pastor pa Bible John 19: 26-27 sim in tomkim a thugenna anei joh in, Anna Jirvis in, a nu’n a damlai a pape (flower)

“Leitung bang chie umding ahiei? Tu leh tunung a khovel um ding dan etna hoipen khu innkuon ahi” - **Prof. Garner Murphy.**

ana deipen “Coronation” kichi itna silpieh in apieh hi. Ms Anna in tamtan ah a hun asa nai sieh, leitung pumpin zong a jatthei na dingin, theitop suohin pan ahingla kia nalai hi. Leitung pumpi (World Wide) a “NUTE NI” zat ahina dingin, laigelsiem a ana minthang khat kung a vapei in, campaign bolna din a nu itna thute gen in US gamsung a lai 10,000 valin campaign bolin ahing pan tahi.

Lai a agelpen US gamsung a “*Governorte, miliante, milalte, News Editorte laigelsiem (Writers) leh magazine teng a Editorte*” kimuhipi in, amaute toh kithuo in Campaign ahing bawl tah chiengin amukha ajakha tapou lungtang sukhalou aum tasih hi, tuachi’n US gamsung a News, Megazine leh Political thugenna leh pulpit tung a tamthu thuget tangpin ahingpei suoh a, aza amu tapou in Ms Anna lungtup leh dei phasalou khatzong aum tasih hi, thamlou in

Campaing bolpi din mi zousie mansan aum chiet tahi.

Ms Anna Jirvis lungtup pen zoudon leh phaitual US Gam pumpi aluasua tahi, khuchin US Senate, legislative (kivaihomna inn pi) a 8th May 1914 nin US Presidentpu Wilson in ama kam teng ngei ngei in “*Second Sunday of May*” ni khu “**NUTE NI**” azat leh nit ding (Observed) ahing phuong khia hi.

Leitungin “NUTE NI” iman zieh u’khu Ms Anna Jirvis panla nazieh ahi man in Pi Anna Jirvis jahna sangpen ipieh uhi. Leitung pumpi “NUTE NI” khu Ms Anna Reeves Jirvis kichinu thei zingna a kiman lai in, itenna India ten i man nasan uh nathei ei? Tuami ahileh i Lamkaipa uh **Pu M. K Gandhi** zinu (Political & Spiritual Leader) **Kasturba Gandhi** thei zing nadia ki zang ana hilai zang hi.

GAM TUOMTUOM A NUTE NI KIZATDAN:

Nute Ni tangmi igensa ma bangun tangmi tuomtuom

“Ponhoi sil sangin lungsim hoi a mantam zaw a, polam kilatdan in puonsie bang nanlei, sunggil lam a sienthouna khu Pasian toh kihoumat theina thupitah ahizaw hi”- **John Lee.**

a muthei ding in ana um a, tamna a gamkai ah anakizat dan, tam anei bang amu thei leh sut thei din aum hi, khumte ahileh:

i) Ancient Greece:

Ancient Greece ten Spring Goddess (Tulai pasiennu) **Rhea** chin anatheh ua, “a *piasiannu biehnan ana zang uhi, tami ni apan hing kilah ahi*”, chin akigen hi.

ii) England: England gam gingtu hing umchil laiin **Mary** “jahbawlnan anazang” uhi.

iii) Argentina : Argentina gam sunga vang 2nd Sunday of October ni’n anazang jel uhi. Tamni chiengin “*Paten innsung a nasep zousie asiem ua, a zite u’khu akitawldam sah ua, tualeh taten nute dingin la phuo (nute noutawina la) in asa zel uhi*”.

iv) France: Galpi khatna leh Ni na (1 & 2 WW) hunlai a America sepeite (army) apan kihanthawwna

aneh u’toh kitua in France in 1918 in Nute ni ana zang panta uhi. Khuleh 1920 December nisim 19th in official tahin ahing zangpan ua, amaute’n missing (population) tamna dinga kihanthawwna’n azang uhi. Tualeh ta (child) 4 leh 5 neite khu “*Brone Medal*” apie ua, Ta 6 & 7 neite khu “*Silver Medal*” anapie uhi, tualeh Ta 8 apat atunglam neite khu “*Gold Medal*” ana pie uhi, ahin tami chidan pen khu 1945 kum in gam vaihawmtan ana suhbei kiata uhi.

v) South Africa: Africa gamtan zong Nute Ni ana zang uhi. Amauten May Second Sunday in azang uhi. Tami Ni chiengin **Swedish Red Cross** ten Plastic zangin pape (flower) ana siem un, azua (sale) zel ua, tuami’n sum tampi amute uh a gam sunga genthei liengvai, mi neiloute panpina/ kithuopi’n azang uhi.

vi) Asia: Asia gam atamzaw ten, Americate bawlina pan ana lasawn uhi. May Second Sunday ni'n Nute Ni azang uhi. Tami nin Nute Jabawlina silpieh in ana ensah/ suhlang uhi. Ahin **China** gam (ten) sungah vang atuomdeu in ana zang uhi. Japan ten Galpi Nina (2nd WW) zouin Nute Ni khu zat/nit (observe) ahipan hi. Tuachia Asia gamkai sungah khun hun sawtpi zatlou in ana um a, hun tomkhat jouin Asia gam pumpi ah zat in ahing um kia tahi.

vii) Denmark: Amaute, Nute Ni khu "*Mars Dag*" achi ua, "*Ann nekshawmna leh ngainat silpieh kipieh tuona'n azang uhi*".

viii) Ethiopia: Amauten Spring zou chiengin azang uhi, amauten atheisiem theina dingun "*Antrost*" chi'n ana min phuo uhi.

ix) Finland: Amauten papee (flower) ahing patung chiengin ana zang

uhi. Tam pa te khu Nute Ni chiengin "*Nutejepna'n anazang ua*", amin zong amaute'n atheisiem na dingun, "*ai dipayiva*" ana chi uhi.

x) Mexico: Amaute'n loupitah in ana zang uhi. Amaute'n 10th May ni khu "*Nute Ni*" chia man din a phuonkhie uhi, tuni chieng dongin azui nalai uhi.

xi) Bahrain: Amaute'n 21st March, ni'n azang uhi, amau ham in "*Kuze madar*" chi'n amin phuo uhi.

Tun "**Nu Manphatdan**" chi tomkim in point 5 enkhawm kia vai:

i) "**Mother is Love**": Itna kichi tampi um nanleh Nu itna khel a thupi leh manpha leitung ah aum sih hi.

ii) "**Mother is the best Teacher**": Nu ichipen Tate adia Sangsye hoipen ahi. Jakobed in atate Mosi, Aron leh Meriam hoitah nou a athuhil ziehin Pasian mizat

"Khristian sakhuo a lungkie a, a taisan tampi aumta ua, Amaute khu Managpa Jesu Khrsit a lungkie hilou in, hattuom a lungkie ahi uh"- **Ravi Zacharia.**

thupitah ahing suo uhi
(Exo. 6: 20, Nos. 26: 59).

iii) **“Mother is the best Doctor”**: Nu kichi naungehte adia Doctor leh Nurse lienpen ahi, aziehpén mihing khat Nu’n a etkawl banga enkawl ngap mi umlou ahi hi. Naupanglam siemna nei khat gendan in, *“Nu in a ta nge (baby) akhoi/ atham kha maimai lezong, a ta adia damna um”* achi hi.

iv) **“Mother is a builder”**: Nu ichi a tate hinkhuo bawltu ahi, gen guollou a dih ahi. Tate guoh hilou in, *“Gam leh Nam bawltu zong”* ahi uhi. **Gentenan**. Leitung a mipil, misiém, mi lawching ichite a hinkhuo uh isut/ i et vingveng leh Nute zieh ana hi sieng uhi.

v) **“Mother is a Missionary”**: Nu khat in hoitah a a innsung adia pan ala a, a tate hoitah a ang khanlet sah khu ama adia *“Mission field”* ahimai hi. Aziehpén

Pasian thugen minthangte, Missionary minthang ichite hinkhuo i et chiengin Nute mittui tampi senna ga ahi, akichi hi.

Akhupsitna: Tunia *“Nute Ni”* izat theina zieh khu Nu ginum, chitah Anna Reeves Jirvis zieh ahi. US President **Abraham Lincoln** in, *“Biehna ngaisah Nu innsung agenthei (poor) ka thei ngai sih hi”* achi hi. Leitung a galhang minthang **Nepoleon** in, *“France gam sung bawl hoina dingin, sil dangteng sangin, Nu manpha ana ngen zaw hi”*. **Sarah** in apasal Abraham khu *“Ka Mangpa”* chin ahan hi (Gen. 18: 12), tulai Nu tampi’n apasalte uh *“Ka mihingpa uh, ka Uital pa uh”* chin ahan uhi.

Nute aw, *“Rubi suongmanpha sang a manpha zaw na hina uh hing kimang hilvawt sih un”*, Innsung, Hattuum sung leh i Nam in hing kitul moh mama hi. Nu manphatna hi chiet din Pasian in adie in Nute zousie hing guolzawl chiet taken. ■

“Innsung i chi khu Leitung a mihingte kilawikhawmna lutang pen leh amasapen ahi. Innsung alawching lou leh Leitung kilawikhawmna zousie a lawching theisih hi. Tuachi’n innsung

HA CHIN A KUM THUPI HILCHETNA

Thupi: “NA GAM HING TUNG HEN” (Mathiu 6: 10).

- Retd. Rev Dr. Hangminthang, Former Bishop

APRIL HA:

Thupi: Pasion gam tunnate bang achi uoi?

Gal. 5: 24 “Tualeh Khrist a hita mite’n tahsa a a utnate uleh adeigaw uleh alunggulnate utoh akibelbehta uhi.”

PASIAN GAM TUNNA MITE IN:

Tahsa utnate uleh adeigawnate uleh alunggulnate utoh, Kross tungah Khrist toh akilbeh khawmta uhi. Tam atunga kigente thunuoi a hinkhuo mang zing nalai nahi leh, Pasion gam khu nangma ah atung naisih china ahi.

MAY HA:

Thupi: Pasion Gam tunna mite’n Pasion deilam abawl uhi.

Mathiu 6: 10 “Na gam hing tung hen, Na deilam van a mi’n abawl bang un, lei ah mi’n zong bawl hen.”

Pasion gam tunna mite’n tam leitung ah zong Pasion deilam abawl uhi.

PASIAN DEILAM BANG E?

- i) Lemthu leen sah diing
- ii) Pasion deilam a hinkhuo man diing
- iii) Khovel dan banga umlou, hinkhaw siengthou man ding (Rom 12: 2). ■

nuom siemdoh ding khu leitung a nasep poimaw pen khat ahi”-
Dr Kenneth Chaffin.

ELWA COLUMN

ELWA GENERAL HEADQUARTER IN KUM 2025 SUNGA SEP LEH BAWL ANEI DING TAM BANG AHI

1. MELC huang sung pumpi huap a Women Leadership Training lamkaite ading a sai ding pen, Date- March 5-6, 2025 in kinei zouta hi.
 2. Division chin in Seminar Topic kibang chiet neiding, tuapen a nupi laah kum 45 nuailam te ahi ding uhi. Resource person dingin (i) Women Promotor (ii) Youth Promoter, tualeh Topic dingte:
 - i) Khotang leh biehna numei mopuahna.
 - ii) Teh leh mou kaal a mopuahna.
 - iii) Tate etkolna a numei mopuahna.
 - iv) Nupa kaal a numei mopuahna.
 3. Tu April tan a, Division Seminar nei jousa teng:
 - i) Singngat Division
 - ii) Behiang Division
 - iii) Thanlon Division
 - iv) Tripura Mission Field
 4. Tu Kum sunga Diamong Jubilee Memorial Prayer Hall lam pa ding.
 5. Meithai Camp June 20-23, 2025 sunga neiding a lemsah hi. Speaker dingin:
 - i) Rev. Lamgen, DS Behiang,
 - ii) Rev. Kamminthang, Director of Missions & Evangelism.
 6. ELWA General Headquarter OB thumkhawmna 2025 sunga thum vei neiding. A hun ding: (i) 1st March, 2025 (ii) 7th June, 2025 (iii) 6th September ding ahi.
 7. VDS fencing leh kitchen bolding ahia, Board ten ana boh jui ding uh ahi.
 8. Meithai/nemei te dopkang nading in, tu kum in mi 2 puan khui zil in Precilla Home aki umсах hi. Amaute: (i) Chingngaihchiin, Muallum (ii) Chingneimuang, M Lunmual
-

Pasian mun zousie a um theilou ahiman in, tuami zieh in Nu asiem hi by **Jewish Thupil.**

MELC INNSUNG THU

1. LED IN OFFICE HONNA LEH PASTOR M THANGBOI ZOU KIPAHPIA NEI:

Apeisa Nisim 31st
March 2024, Nai
1:00Pm in LED in
Office Tha, Simveng
MELC Compound
mun ah hun zang uhi.
Vaiguon kipat masang
in ELWA/ LED Ann-



ngawl thumkhawmna a T. Daijang MELC Pulpit neilou pen DS in Challenge abawlpn zawh ahitoh kitua in piakhietna hun zang uhi. Tuazou in Rev Nengkhanlal Milun DS in Office Honna anei zou in, asung ah vaiguon zang uhi. Vaiguon pen Division Chairman/Secretary in mapui in, Vaidawn thugenna Pa Ginlianlal, Ass. Secretary in azang a tualeh Office building bawl na toh kisai Pa P. Tunzamang, Treasurer in report piehna anei zou in, Houlimna (i) ELWA (ii) LYF (iii) Dongzalian Secretary LED anei uhi.

Session Nina ah Pastor Dr M. Thangboi Zou Kipahpina hun zang suo ngal uhi. Tam vaiguon ah Kipahthugenna leh Thumsahna Rev Nengkhanlal Milun DS in anei zou in, Silpieh piehna (i) Pa Pawl (ii) ELWA (iii) LYF tualeh Local Hattuum akipat in (i) Zoumunnuam MELC (ii) Bethel Chapel Hiangzou MELC leh (iii) Evan. Dr David G. Tungnung, tuazou in Pastor Dr M. Thangboi Zou akipat thugenna aum zou in, Nuomthugenna Upa B. Nengzamang, V/Chairman in anei zou in Upa Ginlianpau, Info. Secretary in tawpna leh Singpi latna nei in, nuomtah in vaiguon zang zou uhi.

Nu anglum khel a hamuonna midang apat umlou hi by **Princes Daina**

2. NU LUNSUANCHIIN LDC IN VOLENTARY PENSION LA:

Apeisa Nisim 31/03/2025 (Seppatni) ni in MELC Office a sem Nu Lunsuanchiin, LDC Voluntary Pension ala na tung ah, hakhiet na vaiguan kinei hi. Tami vaiguan a Director of Ministries in pension phuon khiet na anei a, tualeh Bishop in silpieh pieh na leh thumsahna hun azang hi.



Nu Lunsuanchiin in MELC Office a kum 27 Manggam nna asep nua in Voluntary Pension ala hi.

3. MI 3 IN DEGREE TUOMTUOM LA UH:

Tu Kum April Ha sung in MELC sung a Bible Student ineite lah ua mi 3 ten Degree la uhi, amaute ahi uleh:

1) Apeisa 07/04/2025 (Monday) ni in **Nh. Lucy Manhoiniang** d/o Rev. Thangliankham of New Zoveng in Grace Bible College apat **Master of Divinity** (M. Div.) 2nd Class, 66.2% in zou khie hi.

2) Apeisa 12/4/2025 (Saturday) ni in **Tv Jamlunlal** s/o Pa Ginzathang of Zomi Colony in Trulock Theological College Seminary apat “*Bachelor of Divinity*” (B.D) zou khie hi.

3) Apeisa 13/4/2025 (Sunday) ni in, **Mr. Johnson Thangsienmuon** s/o Rev Suanboi Tungdim, DM/ MELC in Senate of Serampore University, Gurukul Lutheran Theological College & Research Institute. Chennai mun ah “*Master of Theology*” M. Th (Missiology) in zou khie hi.

Tutung a degree hi la teng Editorial Board ten zong kang lungdampina thu uh tam Tangkou zang in ka hing phuong uhi.

Nu buching hi theina ding alampi um sih a nanleh alampi million khat a um thei hi **by Jill Churchil**.

4. MOREH DIVISION IN ANN NGAWL THUMNA NEI:

Apeisa 5th April 2025 in Moreh Division Pate saina in Division thumkhawna Motha MELC ah 7.30am to 10am kinei a, Division



sung khonga apat members 75te Pasian kungah thungetna hing pangthei in, pPasian zal in lawchingtah leh kipahtah in zaw ahita hi.

5. FIRST PASTORAL MEET LAWCHINGTAH ZAW HITA:

Apeisa 11th April 2025 Nai 3:30-4:30 Pm in Central Church Tuibaung MELC mun ah 2025 adia amasa pen ding in Pastoral Meet nei ahia, tam vaiguon pen hun ni (2) a khen ahi.



First Session: Tam Vaiguon khu Rev Kamminthang DME in puitu hina ala a, Tualeh Pro Pastor Langzungthang in hunpat thumna nei in, Rev. Suanboi Tungdim DM in vaidawn thugenna leh pulahna hun azang a, tuazou in **Retreat Speaker** in Rev Kamchinkhum GS/ EBCC in Bible pansan in Pastor nasep ding dan agen a, tuazou in Nuamthu genna Rt. Rev Khup Do Khen, Bishop MELC hun zatna aneizou in Pro Pastor Mangliansang in Thumna toh hun masa khahna nei hi.

Second Session: Nianttui dawn zou in, Hun Nina nei ahikia a, tuanah Rev Suanboi Tungdim DM in “*maban tohguon*”

Nu'n a khut in atate tomnou sung atu/ atawi a nanleh kumtawn in a lungtang atu Zou hi **by Unknown.**

ding houliim khawmna ma pui in”, Meet tawpna ding in Pro Pastor Joshua Mangsuankhai in thumna nei in, lawchingtah leh taitah in vaiguon zang uhi.

6. KANGRAI ELWA TEN SEMINAR NEI UHI:

Pasian lungsiat na zal in apeisa Date 11th -12th April 2025 in Tripura Mission field Kangrai, Tripura (ELWA) ten maiam



khangtoun theina ding tupna toh Women's Seminar kana bawl uhi. Resources person ding in *Pastor Lemoka Reang (BBCI) apang hihi, Tam Seminar ahileh ELWA GHQ te sponsor na toh sai ahi. ELWA GHQ apat in Dangka 5000/- ka mu ua, Resources person pa Dangka 3500/- akipieh a, Dangka 1500/- teng khu Refreshment in ka zang uhi. Tualah Seminar a hing pang agawm in Mi- 58 (Numei-43, Pasal 15) ka pha uhi.

7. MISSION FIELD TEN ANN-NGAWL THUMNA NEI UH:

Apeisa Nisim 23/04/25 ni in ELWA Kangrai, Mission Field, Tripura ten Lamkaite ading a thumsahna leh RSS te doudalna apan suatat theina ding in annawl thumna hun zang uhi. Tualeh Mailam hun a i Mission Field uh khantouna ding in thumna toh pan Kala uhi.

8. NMSI EXECUTIVE COMMITTEE AH VATEL UH

Apeisa dt 22&23 April 2025 sung teng Bishop ,Director of Missions ten NMSI Executive Committee thupitah Chennai mun ah vatel thei uh a,MELC I hattuum ading in silpha kipah huai thu khenkhat toh hing tung thei uhi. ■

Naungeh apien chet leh, Nu zong apieng hi; tuami masang in ana um sih hi by **Rajneesh**

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)

Printed at



Convention Book House
Dorcas Hall Campus, New Lamka

BOOK POST

To

.....

.....

.....